

დადგენილება №ცგ-0782-20  
დაჯარიმების სახით ადმინისტრაციული სახდელის  
დადების შესახებ

ქ. ქუთაისი,

13 თებერვალი, 2020 წ.

1. დადგენილების გამომტანი ორგანო (თანამდებობის პირი):

ს.ს. „ენერგო-პრო ჯორჯიას“ დასავლეთ საქართველოს ცენტრალური ფილიალის იურისტი ტარიელ შვანგირაძე.

2. საქმის განხილვის თარიღი: 2020 წლის 13 თებერვალი.

3. ცნობები პირის შესახებ, რომლის მიმართ განხილვა საქმე:

ფიზიკური პირი ნუკრი მიქაძე, პირადი №60001123264, დაბ. 1989 წლის 5 ივლისს, მის. ქ. ქუთაისი, რევაზ თაბუკაშვილის ქ. №217, ბინა №73.

4. საქმის განხილვისას დადგინდა შემდეგი გარემოებები:

2020 წლის 6 თებერვალს, ქ. ქუთაისში, რევაზ თაბუკაშვილის ქ. №217, ბინა №73-ში, აბონენტ მიქაძის აღრიცხვის კვანძის შემოწმებისას დაფიქსირდა ელექტროენერგიის უკანონო მოხმარება, რაც გამოიხატება მასში, რომ აბონენტი 2020 წლის 23 იანვარს დავალიანების გამო გათიშული იყო ქსელიდან, რა დროსაც მრიცხველის ჩვენება იყო 010634, ხოლო 6 თებერვალს გადამოწმების დროს, მრიცხველი აღნიშნულ მისამართზე მცხოვრები ნუკრი მიქაძის მიერ ჩართული იყო თვითნებურად და დაფიქსირდა წინწაწეული ჩვენება 011139, რაც ადმინისტრაციული კანონმდებლობით დასჯადი ქმედებაა. აბონენტს იმ დღესვე შეუწყდა ელექტროენერგიის მიწოდება დავალიანების სრულად დაფარვამდე. ნუკრი მიქაძის მიმართ 06.02.2020წ. შედგენილ ადმინისტრაციული სამართალდარღვევის ას №005894 ოქმს ხელს აწერს სამართალდამრღვევი, იგი აღიარებს სამართალდარღვევის ფაქტის არსებობას და განმარტავს, რომ ჩართო თვითნებურად და განმეორებას ადგილი არ ექნება. საქმის განხილვაზე სამართალდამრღვევი არ გამოცხადდა. ნუკრი მიქაძე არის ადმინისტრაციულად სახდელდადებული, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ მოწოდებული ინფორმაციით. სამართალდარღვევა გამოვლენილია 2019 წლის 3 დეკემბერს ს.ს. „ენერგო-პრო ჯორჯიას“ მიერ, ადსკ-ის მუხლი 96<sup>1</sup>, ნაწილი I, ოქმი ას №008361. 2019 წლის 5 დეკემბრის №ცგ-0762-19 დადგენილებით დაედო ადმინისტრაციული სახდელი გაფრთხილება. საქმეში ასევე წარმოდგენილია 06.02.2020წ. აღრიცხვის კვანძის შემოწმება-მიღების აქტი №1568981, რომლითაც დასტურდება ნუკრი მიქაძის მიერ ელექტროენერგიის მოხმარება აღრიცხვის წესების დარღვევით. საქართველოს ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციულ სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა

სს "ენერგო-პრო ჯორჯია"

საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი, აღრიცხვის კვანძის შემოწმება-მიღების აქტი, შსს საინფორმაციო-ანალიტიკური დეპარტამენტის საინფორმაციო ცენტრის მიერ მოწოდებული ინფორმაცია, აბონენტის ბარათი), რომელთა მეშვეობით დგინდება ნუკრი მიქაძის მიერ საქართველოს ადმინისტრაციულ სამართალდარღვევათა კოდექსის 96<sup>1</sup>-ე მუხლის მეორე ნაწილით გათვალისწინებული სამართალდარღვევის ჩადენის ფაქტი-ელექტროენერჯის მოხმარება აღრიცხვის წესების დარღვევით. ამასთან დაცულია იმავე კოდექსის 38-ე მუხლის პირველი ნაწილით დადგენილი ადმინისტრაციული სახდელის დადების ორთვიანი ვადა და 240-ე მუხლის პირველი ნაწილით დადგენილი ადმინისტრაციული სამართალდარღვევის ოქმის შედგენის წესი, რომლის დროსაც ნუკრი მიქაძემ მისცა ახსნა-განმარტება, გაეცნო ოქმის შინაარსს და ჩაიბარა მისი ასლი.

5. ზემოაღნიშნულის საფუძველზე, ვიხელმძღვანელებ რა საქართველოს ადმინისტრაციულ სამართალდარღვევათა კოდექსის 96<sup>1</sup>-ე მუხლის მეორე ნაწილით, მე-10, 38-ე, 228<sup>2</sup>-ე, 236-ე მუხლებით, სემეკის 18.09.2008 წ. №20 დადგენილებების მე-8 მუხლით, 12.08.2010 წ. №14 დადგენილებით, ს.ს „ენერგო-პრო ჯორჯიას“ გენერალური დირექტორის 17.09.2010 წ. RU №2010009 წესით, 26.06.2019 წ. OR №2019034 ბრძანებით,

და ვ ა დ გ ი ნ ე:

6. ფიზიკური პირი ნუკრი მიქაძე, პირადი №60001123264, ცნობილი იქნეს ადმინისტრაციულ სამართალდარღვევად საქართველოს ადმინისტრაციულ სამართალდარღვევათა კოდექსის 96<sup>1</sup>-ე მუხლის მეორე ნაწილით გათვალისწინებული სამართალდარღვევისათვის და დაედოს ადმინისტრაციული სახდელი - ჯარიმა 100 (ასი) ლარი.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას - 15000 ლარის ოდენობით.

8. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი: \_\_\_\_\_

9. დადგენილება შეიძლება გასაჩივრდეს მისი ჩაბარებიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის. ქ. თბილისი, ა. მიცკევიჩის ქ. №19).

უფლებამოსილი პირის ხელმოწერა:



ტარიელ შვანგირაძე,  
კომისიის თავმჯდომარე